

鍾呂傳道集後跋

嘗思萬化之源惟道爲尊道以覺世則玄妙之秘旨性命之要法也茲冊淵源所自肇起天仙之真傳凡後世一切元機奧竅總不出此範圍焉蓋世人只知依文解義用識解推測則於經內所論真仙大道天地日月四時五行水火龍虎丹藥鉛汞抽添河車還丹鍊形朝元內觀魔難證驗以爲如是如是而豈知不僅如是如是夫言外有義義外有神非第關合更多玄妙微乎微乎殆不可以章句詮不可以心思度乎是殆五祖七真一切賢聖之要典乎由唐迄今千百餘年所共尊奉而循行者乎現屆重訂全書宗正小子鳩工庀材實督任剗剗之事而於此道藏輯要

傳道集
後跋

癸

危集二
川文一

經竊欲誌一言爰作數語附於篇末至此經之精微則

宏教真君恩大祖師言之詳且賅矣夫何庸再贅爲哉純陽法嗣正化子恩洪謹跋